

gve fore di vallonden sohe. Si ist gve den man
 acis vñ den melancolicis. vñ den scotomani
 cis. Si ist oveh gve fore daz vergihte. vñ den
 die hende ziteent. vñ daz hoopt. vñ fore den
 lid siehtom. vñ fore den siehtom in der huf.
 Si hilfet den wiben zv der gebvrt. vñ erwe
 chet wiplichen siehtom. vñ forebet in dir
 muet von vberiget vevht. dy solt si geben
 als dir chornel od zereiben in wein. wil dy
 di erzie mache. So nim spat zwo dragm.
 vñ ein scrvpvlm. num pibergeil antimonu
 synonu foli dampno cocti syletis ephed
 petresil venichel davei stafisagrie iegeliches
 ein dragm vñ ein scrvpvlm. vñ salu ar
 moniaci epytimi. iegelichel ein dragme vñ
 einen halben scrvpvlm. num calmi aroma
 tici mirabolanozom lyqvitee traganu peo
 ni pechtram iegeliches zwen scrvpvlos.
 costi cologvintide agarici mastich aristo
 logie der sinwellen. vñ der langen rosen in
 abathematice asari atonis salvei cytama
 nie basilicon brante vesine rot wazzer min
 zen origani poley ysop. camandre. saccei.